



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Benedicti Ariæ Montani Hispalensis Poemata**

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex  
Hebraica veritate in Latinum carmen obseruantissimè conuersi

**Arias Montano, Benito**

**Antverpiæ, 1589**

Psal. XXXVIII. Domine ne in furore tuo arguas me.

**urn:nbn:de:hbz:466:1-44993**

Domine ne in furore tuo arguas me.

## DEPRECATIO SUPPLEX.

Psalmus David ad commemorandum.

*Carmen Monocolon Iambicum.*

- 1 **A**ccensus I A S ne, calens neue argues;  
 Me nec furenti corripe o precor manus  
 2 In me sagittæ namque delatæ tuæ,  
 In me subitque vis tuæ manus grauis.  
 3 Nil carne sanum te æstuante est in mea,  
 Peccata pacem nec relinquunt ossibus:  
 4 Delicta verticem obruere nam meum,  
 Quæ me grauante pondere validè opprimunt.  
 5 Foetent tumoris tabe putrida vlcera,  
 Monstrare stultus dum medenti distuli.  
 6 Pressus dolore terga curuante, & nimis  
 Obscurus omnes, ater & dies ago.  
 7 Foedo redundant pure nostra & ilia,  
 Nec sana ab vlla parte consistit caro.  
 8 Ac debilis confractus vsque confremo,  
 Tantus tumultus corde surgit intimo.  
 9 I A S auenti scis quid ipse pectore  
 Poscam, mea ac te non latent suspiria.  
 10 Cor inquietis vertitur præcordiis,  
 Vires recedunt, luxque nulla luminum est.  
 11 Sperata mi tam turba amica proximi  
 Fugere vulneris procul plagam mei.  
 12 At colligati, vita queis grauis mea,  
 Atque invidentum turba molitur mihi  
 Fraudes dolosque; quanta percurrit dies:  
 13 Ceu surdus adstem, mutus aut ego, nihil  
 Audire curo aut ore aperto proloqui:  
 14 Instar stupentis auribus qui nesciit  
 Redarguenti pellere ore crimina.  
 15 Respondeas, exspecto namque **VINDICEM**  
 I A S meum te nomine acturum meo.  
 16 Ridere, dixi, o ne parent isti malis  
 Nostri; triumphant si vacillet pes mihi:  
 17 Nam claudicare pronus, heu, dolore sum  
 Vrgente semper, vim refringit qui meam.  
 18 Delicta sponte narro confessus mea,  
 Et cura aduor ipse peccati graui.

- 30 Hosteis valere ac viribus cerno meos,  
Mibi inuidentes ac beari perfidos.  
31 Malam reponunt mi bonorum gratiam:  
Bona affectum me petunt calumniis.  
32 Me ne relinquant, te peto mi PRINCIPEM,  
IAS remotus neu procul sistas mihi:  
33 Festinus adsis iam mihi auctor auxilii,  
Here o salutis auctor iam notæ ac meæ.

## PSALMVS XXXIX.

Dixi, custodiam vias meas.

## VNICVM VERVM BONVM DEVS.

Ad præstantem ad Iedihun, Psalmus David.

*Ode Dicolos Distrophos.*

- 1 O Bseruabo vias meas,  
Dixi, lingua nihil peccet vt insolens,  
Quamuis me improbus vrserit,  
Ori claustra meo prouidus inferam.  
2 Ac tam muta silentia  
Concepi, nihil vt proloquerer boni,  
Dum qui me cruciat dolor,  
Conturbata nimis membra furens quatit.  
3 Cor in visceribus calens  
Flammas, dum meditor, suscitât igneas:  
Quas ipsa opprimere impotens  
Perrupris loquitur lingua silentiis.  
4 IAS indica & exitum,  
Et quàm longa mihi restet adhuc dies:  
Mundo quàm nimium fruar,  
Opto scire libens, quòve fruar modo.  
5 En palmos mihi das dies,  
Te presente nihilque est spatium meum:  
Quin nil quidquid id est homo,  
Quisquis constat homo, scilicet est nihil.  
6 Certè vmbre & tenebræ viros  
Versant, sollicitatque hos trepidos nihila  
Illi plurima congerunt,  
Ignari positum quis cumulum occupet.  
7 At nunc o here quid velim  
Expectémve mihi, spes mea te petit:  
8 Cunctis me eripito meis  
Noxis, me stolis dede nec in probrum.